

# BOLAODI BA MEEDI BA SARS BO KGAOLETSA DITHEHEFATSI MOSADING YA DILEMO TSE 74 YA SEBEDISANG SETULO SE TSAMAYANG

**Pretoria, 8 Phuptjane 2019** – Diofisiri tsa Bolaodi ba Meedi tsa Ditshebeletso tsa Lekgetho tsa Afrika Borwa (SARS) di kgaolelitse mosadi wa dilemo tse 74 ya sebedisang setulo se tsamayang ka *heroin* ya boleng bo ka bang R500 000 - e neng e patilwe ka makgethe ka hara mokotlana wa hae mane Boemafofaneng ba Matjhaba ba OR Tambo ka Labone la 6 Phuptjane 2019.

Moeti ona o ne a lebile naheng e Bohareng ba Yuropa ka nako eo a neng a kgaolelwa. Ka nako eo mokotlana wa hae o neng hlahlobisiswa, ho ile ha fumanwa ho kang poshwana. Ho ile ha etswa diteko tsa dithethefatsi mme ha fumaneha hore sena ke *heroin*.

Bolaodi ba Meedi bo ile ba ritela nyewe ya bonokwane seteisheneng sa lehae mabapi le ho ba le dithethefatsi le ho leka ho di mokola. Mmelaelwa ona o ile a tshwarwa mme o tla hlahella kgotla mabapi le diqoso tsena.

Bolaodi ba Meedi ba SARS bo ananela tshebedisano e ahang pakeng tsa diofisiri tsa yona, Bohlwela ba Bonokwane ba Ditshebeletso tsa Sepolesa sa Afrika Borwa (SAPS) mmoho le ditheo tse ding tsa phethahatso ya molao mane ORTIA, tse ntseng di tswela pele ho beha ditholwana tse molemo ntweng e kgahlano le ho mokolwa ha dithethefatsi, ho rialo Mophethahatsi wa Bolaodi ba Meedi: Mohamed Ally.

Ho bona ditshwantsho, [tobetsa mona](#).